

ДУКОВНА

Арлыдöй кызь витысь петі,
Кувны кө - самöй нин кад;
Ачымöс сьмертлы ме сета,-
Лöсьöдча видлыны ад,
Кужи кө садьöн ме овны,
Мывкыдöй абу на дзор...
Вöча ме тайö дуковна -
Колляла казьтылан тор;

Служащöйлы:

Коля ме тiянлы вöрö,
Керасьысь, пилитчысь пи,
Дöмсьыныд - ас кыöм дöра,
Коля ме «Петровскöй» би.

Карса йöзлы:

Войын кө көсьян тэ петны,
Кокьястö дор, мед он чег...
Кöртьяссö шуи ме сетны,
Оз компосорыд ков сэк...

Пöрысь йöзлы:

Тiянöс колö нин дзебны,
Колö нин дари да горт...
Райö кө көсьянныйд лэбны,
Коля ме турилысь борд.

Том йöзлы:

Шыбитöй важ йöзысь полöм,-
Полöмөн наысь он мын;
Ёнмöдны öнъя выль олöм
Сиа ме эбöс да вын.